



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 3. Matthias Austriæ Archidux in Hungariæ Regem salutatus.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

ponerent, fecus ab omnibus simul Statibus uno impetu opprimendi. Postea nonnulli adversus Cæsareæ Aulæ Ministros querebantur, quod negotia passim occurrentia ab ipsis noxia tarditate expedirentur: Hisce autem querelis suum de imminuenda Cæsaris jurisdictione propositum tegere nitebantur.

§. III.

Matthias Austriae Archidux in Hungariae Regem salutatus.

In iisdem comitiis Proceres præcipue Protestantes, qui Cæsarem extortæ Religionis libertati adversari noverant, nulla ferme cunctatione consenserunt, ut juxta Viennensis pacti leges Matthias ob adversam Cæsaris valetudinem Captus Domus Austriacæ, necnon Hungariae Rex ac Princeps declararetur: quo facto Hungari cum Austriacis mutuo sese foedere obstrinxerunt, ut non nisi ipsius imperio parerent, eo quod *Cæsar ex animi indispositione & infirmitate, quæ sua periculosa intervalla haberet, in Regimine Regnorum & Provinciarum minus sufficiens atque idoneus esset, ita, ut iis a Deo sibi commissis eo, quo par esset modo, præesse nequiret, aliunde vero Cæsare improli Matthias proximus ipsius hæres foret.* Ab eo tamen petebant

Calmet Hist. Univ. l. 150. Goldast de Regn. Boh. app. Docum. p. 138.

Sæc. XVII. Hungari, ut confirmatis omnibus eo-
A. C. 1608. rum privilegiis conscientiae libertatem
 ratam haberet. His ita compositis die
 nona Aprilis Cardinalis Dietrichsteinus
 Praga Viennam reversus nuntiavit
 quod Rudolphus Cæsar cum Turcis
 quidem accepta habere velit, in
 mitiis autem Posoniensibus attentis
 prorsus nulla esse cuperet. Ad hæc
 Matthias Archidux id sibi integrum
 esse respondens, subito Viennam ad Ne-
 burgense monasterium die decima quarta
 ejusdem Mensis secessit, a pluribus
 Belliducibus, aliisque Proceribus præ-
 cipue Protestantibus ibidem salutatus.
 Interim viginti quatuor belli tormentis
 instructus militem, quem ex omnibus
 Austriæ locis ad arma exciverat, præ-
 stolabatur. Vicissim Cæsar Bohemici
 Ordines, qui eadem die conventum in
 Bohemia celebrabant, socios etiam
 confœderatos de auxiliis in promptu ha-
 bendis, ac exigente necessitatis casu
 præstandis interpellat, simulque magno
 numero equites peditesque Pragam ad-
 duci, & per civium domos distribu-
 jussit, Matthiam admonens, ut a vanis
 suis molitionibus desisteret.

§. IV.

*Pacis compositio Cæsarem inter &
 jus fratrem Matthiam facta.*